



PREMI CANDONI

OPARIS TEATRÂLS IN LENGHE FURLANE

PREMI PAR DRAMATURGJIIS TEATRÂLS IN LENGHE FURLANE

**La Associazion Culturâl “Luigi Candoni”,
cu la poie de ARLeF - Agenzie Regjonâl pe Lenghe Furlane,
in colaborazion cun MateâriUM - Laboratori di gnovis dramaturgjiis
e cu la Fondazion Teatro Nuovo "Giovanni da Udine",**

E ORGANIZE,

**dentri de manifestazion “PREMI CANDONI”,
la prime edizion dal CORS – CONCORS “PREMI CANDONI –
OPARIS TEATRÂLS IN LENGHE FURLANE”.**

Par puartâ indenant la ativitât di promoziun de dramaturgjie contemporanie
fate di Luigi Candoni dai agns '50 ai agns '70 dal Nûfcent e lade indenant tai agns
dopo cul “Premi Candoni”, **il CORS - CONCORS “PREMI CANDONI –
OPARIS TEATRÂLS IN LENGHE FURLANE”**

AL INTINT:

- promovi e difondi la lenghe furlane intal setôr de formazion de dramaturgjie;
- proponi tescj gnûfs in lenghe furlane pe produzion di spetacui teatrâi professionâi;
- disvilupâ ativitâts di teatri dramaturgjie basadis suntune progjetualitât amplie par realizâ il program “Il Furlan lenghe dal Teatri”;
- ideâ e concretizâ iniziativis di fonde pal progjet di un Teatri Stabil Furlan.

IL CORS

Ogni participant al jentrarà intune fase di tutorât fate di vot incuintris (lûc e calendari a son specificâts tal Regolamento) dulà che al disviluparà la proprie idee di test teatrâl.

Tra un incuintri e chel sucessîf, i participants a procedaran cu la scritture dal test. I progjets di scritture a saran seguîts dai tutôrs di MateâriuM.

Une part dai incuintris e sarà dedicate al confront e al dialic tra i autôrs e lis autoris coinvoltis, cul obietîf di alenâ il spirt critic e la capacitât di presentâ i propriis progjets personâi. Dilunc di ogni incuintri, midiant di une serie di conseis praticis e de determinazion di obietîfs concrets, si compagnaràn i autôrs te realizazion dal proprii progjet leât a une gnove dramaturgjie in lenghe furlane.

Un incuintri tra i vot stabilîts, lu fasarà un consulent linguistic / une consulente linguistiche che par podê frontâ in timp reâl chês che a podaressin jessi lis problematichis peadis al lessic, ae gramatiche o ae grafie de lenghe furlane.

IL CONCORS

Ae fin dal CORS, i participants a varan a disposizion ancjemò une setemane par sierâ i elaborâts e par procedi cu la consegne, daûr des indicazioni dal Regolamento.

La Jurie dal Premi e leiarà lis oparis e e voterà, stabilint la graduatorie dai tescj premiâts: Prin classificât, Secont classificât e Tierç classificât (lis cundizions dal premi a son specificadis tal Regolamento).

Il CORS-CONCORS si sierarà cu la cerimonie di premiazion dulà che si fasarà la leture seniche dal test teatrâl Prin classificât.

MODALITÂT DI PARTECIPAZION AL CORS-CONCORS E REGOLAMENTO

1. Al CORS - CONCORS “PREMI CANDONI – OPARIS TEATRÂLS IN LENGHE FURLANE” a puedin partecipâ i citadins e lis citadinis talians che a vedin almancul 18 agns.
2. Al CORS - CONCORS “PREMI CANDONI – OPARIS TEATRÂLS IN LENGHE FURLANE” si puedin presentâ dome dramaturgjiis teatrâls in lenghe furlane; a son ametudis parts dal test in altris lenghis o dialets regionâi che no sedin plui dal 10% dal contignût de opare.
3. Al prin incuintri dal CORS, i participants a puedin presentâ une idee progjetuâl dal test, une opare in vie di definizion o un elaborât za disvilupât che nol sedi stât publicât o rapresentât.

4. Finît il CORS, daûr des scjadincis e des modalitâts ripuartadis al pont 7 di chest Regolament, i participants a varan di consegnâ lis lôr oparis completis. Lis oparis no finidis, parziâls, in vie di elaborazion o che no rispjetin il pont 2 di chest Regolament a saran esclududis dal CONCORS.
5. I incuintris dal CORS si fasaran li dal Teatro Nuovo Giovanni da Udine daûr di chest calendari:

Otubar dal 2019

Sabide ai 5, 12, 19, 26: des 16.00 aes 19.00

Miercus ai 30: des 19.30 aes 22.00

Novembar dal 2019

Martars ai 5: des 19.30 aes 22.00

Sabide ai 9 e ai 16: des 16.00 aes 19.00

La premiazion cu la leture seniche dal test vincidôr si fasarà ai 22 di Dicembar dal 2019 li dal foyer dal Teatro Nuovo Giovanni da Udine.

6. Par acedi al CORS - CONCORS “PREMI CANDONI - OPARIS TEATRÂLS IN LENGHE FURLANE” si à di:
 - meti la cuote di partecipazion di € 80,00 sul cont de Associazion culturâl “Luigi Candoni”: Bcc Credito Cooperativo Banca di Carnia e Gemonese Agenzie di Tumieç; Cod. Iban: **IT97N0863764320019000070246**; specificant la causâl “Iscrizione alla prima edizione 2019 del CORSO - CONCORSO PREMIO CANDONI - OPERE TEATRALI IN LINGUA FRIULANA”;
 - mandâ un messaç di puste eletroniche ae direzion associazionecandoni@gmail.com dutune cun: ricevude dal paiament, dâts anagrafics, contats e curriculum vitae dentri des 24.00 dai 27 di Setembar dal 2019.
7. Completât il CORS (ai 16 di Novembar dal 2019) e finît il periodi concedût par ultimâ e refinî la opare (ai 23 di Novembar dal 2019), **i participants a àn di mandâ**, cun raccomandade indreçade ae Associazion culturâl “Luigi Candoni” Casele postâl n.1 Uffici postâl di Basilian - 33031 Basilian (UD), **dentri dai 25 di Novembar dal 2019** (si tignarà cont de date di spedizion de raccomandade), un pac cun dentri:
 - 3 COPIIS DE OPARE;
 - DECLARAZION FIRMADE DAL AUTÔR/DE AUTORE CHE E ATESTE LA ORIGINALITÂT DE OPARE E IL FAT CHE LA OPARE (E PARTS DE OPARE) NO JE MAI STADE PUBLICADE/RAPRESENTADE;
 - MODUL COMPILÂT E FIRMÂT DULÀ CHE L’AUTÔR AL / LA AUTORE E CÊT AE ASSOCIAZION CULTURÂL “LUIGI CANDONI”, A

TITUL GRATUIT E IN VIE **NO ESCLUSIVE**, IL DIRIT DI DOPRÂ, RIPRODUSI, DIVULGÂ CENCE ALTRIS OBLICS I MATERIÂI REALIZÂTS TAL AMBIT DE INIZIATIVE PROGJETUÂL DENOMINADE “PREMI CANDONI – OPARIS DI TEATRI IN LENGHE FURLANE”.

8. NO RISPIETANT ANCJE DOME UNE SOLE DES RICHIESTIS, SI VIGNARÀ ESCLUDÛTS DAL PREMI.
9. Il president de Jurie, componude di professioniscj dal Teatri e de critiche teatrâl, al sarà Giuliano Bonanni - Diretôr artistic de Associazion Culturâl “Luigi Candoni”.
La Jurie e valutarà lis oparis su la fonde di:
 - valence sociâl e culturâl dal materiâl dramaturgic;
 - ûs de lenghe furlane;
 - fatibilitât de metude in sene de opare.
10. Daûr des valutazions/votazions de Jurie, si individuaran i prins trê tescj teatrâls che a saran classificâts tant che:
 - Prin classificât
 - Secont classificât
 - Tierç classificât
11. Il PREMI pal Prin classificât al è di € 1.500,00 (mil e cinccent/00) e al è indivisibil;
il PREMI pal Secont classificât al è di € 300,00 (tresinte/00) e al è indivisibil;
il PREMI pal Tierç classificât al è di € 200,00 (dusinte/00) e al è indivisibil.
A ogni participant al CORS-CONCORS i vignarà dât un atestât di partecipazion.
12. Lis decision de Jurie dal “PREMI CANDONI - OPARIS TEATRÂLS IN LENGHE FURLANE” a son insindicabilis.

PAR INFORMAZIONI, SCRIVI A: associazionecandoni@gmail.com
Par contats direts, telefonâ al numar 3286581842